

V

(Fógairtí)

NÓSANNA IMEACHTA RIARACHÁIN

AN OIFIG EORPACH UM ROGHNÚ FOIRNE (EPSO)

FÓGRA COMÓRTAIS OSCAILTE

EPSO/AST/130/14 (AST 3)

(2014/C 56 A/01)

Tá an Oifig Eorpach um Roghnú Foirne (EPSO) ag eagrú comórtas oscailte ar bhonn cáilíochtaí agus trialacha chun painéil a thiomsú óna n-earcófar cúntóirí ⁽¹⁾.

Is é is aidhm don chomórtas seo painéil a thiomsú chun poist fholmha d'oifigigh a líonadh sna hinstitiúidí Eorpacha, sa Bhruiséil agus i Lucsamburg.

Sula gcuirfidh tú iarratas isteach, ní mór duit na Treoracha do chomórtais oscailte a foilsíodh in Iris Oifigiúil an Aontais Eorpaigh C 270 A an 7 Meán Fómhair 2012 agus ar shuíomh gréasáin EPSO a léamh go grinn.

Is cuid dhílis den fhógra comórtais na treoracha sin agus cuideoidh siad leat rialacha na nósanna imeachta agus na bealaí ar a gcuirtear iarratas isteach a thuiscint.

AN CLÁR ÁBHAR

- I. CÚLRA
- II. DUALGAIS
- III. INCHÁILITHEACHT
- IV. TRIALACHA IONTRÁLA
- V. CEAD ISTEACH SA CHOMÓRTAS AGUS ROGHNÚ AR BHONN CÁILÍOCHTAÍ
- VI. COMÓRTAS OSCAILTE
- VII. PAINÉIL
- VIII. CONAS IARRATAS A CHUR ISTEACH

⁽¹⁾ Gach áit anseo a bhfuil tagairt don fhirinscne, glactar leis gur ag tagairt don fhirinscne agus don bhaininscne atáthar.

I. CÚLRA

1. Líon na n-iarrrthóirí a n-éireoidh leo	101
2. Nótaí	Tá sé réimse i gceist leis an gcomórtas seo; ní féidir cur isteach ach ar aon cheann amháin acu. Ní mór an rogha sin a dhéanamh tráth an chlárúcháin ar líne agus ní féidir í a athrú i ndiaidh an dáta deiridh clárúcháin. NB Le post a fháil sna hinstiúidí Eorpacha i Lucsamburg, teastaíonn tuiscint mhaith ar an bhFraincis, idir labhairt agus scríobh, rud <u>nach féidir déanamh dá uireasa chun an obair i gceist a dhéanamh agus chun déileáil le gníomhaithe seachtracha.</u>

II. DUALGAIS

Beidh de chúram ar na sainteicneoirí tascanna bainistíochta, feidhmíochta, maoirseachta agus monatóireachta a dhéanamh a bhaineann le bainistiú foirgneamh, go háirithe sna réimsí seo a leanas:

Réimse 1: Innealtóireacht an aerchóirithe — 18 nduine a dhíth

Aerchóiriú, aeráil, téamh, suiteálacha pluiméireachta, teicnící agus modhanna le húsáid a bhaint as foirgnimh ar dhóigh inbhuanaithe, bainistiú fuinnimh, bainistiú teicniúil láraithe, córasrialú uathoibríoch.

Réimse 2: Innealtóireacht leictirimheicniúil agus leictreonach — 15 dhuine a dhíth

Leictreachas (ardvoltas agus ísealvoltas), trealamh tógála, trealamh uathoibríoch, brath agus cosc dóiteán, cáblú gréasán ríomhaireachta/teileafóin, bainistiú teicniúil láraithe, gineadóir leictreach, soilsiú slándála, an córas suiteálacha leictreacha agus leictreonacha “EIB” agus córais analógacha.

Réimse 3: Ailtireacht agus feistiú intí — 15 dhuine a dhíth

Feistiú foirgneamh ar an taobh istigh agus ar an taobh amuigh: atheagrú spásanna, go háirithe oifigí, limistéir sheirbhíse, seomraí cruinnithe agus lárionaid theicniúla, comharthaíocht ghinearálta agus slándála, eolas ar limistéir choiscthe dóiteán.

Réimse 4: Bainistiú tionscadal — 18 nduine a dhíth

Cúnamh a thabhairt tionscadail réadmhaoine a bhainistiú (foirgnimh a thógáil, a athchóiriú agus a ligean amach ar cíos), sainteicnící, móroibreachta agus tabhairt chun críche oibreach: struchtúir, aghaidheanna foirgneamh, dallóga don taobh istigh agus don taobh amuigh, díonta, siúinéireacht ar an taobh istigh agus ar an taobh amuigh, athchóiriú urlár agus ballaí.

Réimse 5: Sláinte agus Sábháilteacht/Sláintíocht — 17 nduine a dhíth

Sláinte agus sábháilteacht san ionad oibre: bearta coisctheacha sábháilteachta agus sláintíochta a chur i bhfeidhm, comhordú cúrsaí sláinte agus sábháilteachta ar láithreáin tógála, ullmhú treoracha sábháilteachta agus sláintíochta, bainistiú éigeandálaí.

Réimse 6: Slándáil — 18 nduine a dhíth

Teicnící slándála (sábháilteachta) ó thaobh measúnú agus cur i bhfeidhm beart slándála, idir ghnéithe fisciúla (tógáil, siúinéireacht, etc.) agus ghnéithe leictreonacha (e.g. CCTV, rialú rochtana, braith ionróirí): cur i ngníomh beart slándála, comhordú córas slándála ar láithreáin tógála, ullmhú treoracha slándála, bainistiú cásanna éigeandála, iniúchadh ar ghléasra slándála. Dréachtú pleananna leanúnachais gnó agus/nó pleananna éigeandála, dréachtú measúnuithe riosca.

Chun an obair sin a dhéanamh teastaíonn, chomh maith le nithe eile, scileanna bainistíochta riaracháin agus airgeadais, agus eolas maith ar ríomhchláir (ríomhchláir oifige, Excel, Word, MS Project, etc.), mar aon le heolas ar ríomhchláir bhainistíochta agus ar an dearadh ríomhchuidithe (DRC), go háirithe i gcás réimsí 3 agus 4.

Ag seo samplaí de na cúraimí a d'fhéadfadh a bheith le déanamh:

- cúraimí cothabhála agus feistithe foirgneamh,
- cúraimí a bhainfeadh le bainistiú cothabhála le ríomhairí, le bainistiú teicniúil láraithe, le bainistiú teochta agus fuinnimh agus le foirgnimh a úsáid ar dhóigh inbhuanaithe,

- cúraimí a bhainfeadh le cosc dóiteán, le slándáil theicniúil foirgneamh agus leis an tsláintíocht, nó cúraimí eile a bhainfeadh leis an tsláinte agus leis an tslándáil san ionad oibre,
- anailísiú riachtanas agus an clár ilbhliantúil oibre nó trealamh/suiteálacha sonracha cosanta (trealamh/suiteálacha eagraíochtúla, oibríochtúla, etc.),
- monatóireacht a dhéanamh ar thionscadail feistithe/athchóirithe/tógála/atógála ina n-iomláine,
- dréachtú nósanna imeachta oibre agus oiliúint úsáideoirí,
- cuidiú a thabhairt cuid foirgneamh na hinstiúide i gceist a bhainistiú agus/nó an trealamh agus gléasra slándála a oibriú,
- sonraíochtaí tairisceana a dhréachtú roimh ghlaonna ar thairiscintí, páirt a ghlacadh i nglaonna ar thairiscintí, rialú agus comhordú a dhéanamh ar oibreacha nó ar sheirbhísí bainistithe foirgneamh a chuirtear ar fáil, seirbhísí slándála san áireamh,
- gnéithe riaracháin agus teicniúla (go háirithe maoirsiú ar an gcur i gcrích, monatóireacht ar dhul chun cinn na hoibre, rialú cáilíochta) de chonarthaí a bhaineann le bainistiú foirgneamh agus a thugtar i gcrích le comhlachtaí seachtracha seirbhísí, oibreacha, soláthair agus réadmhaoine, conarthaí cothabhála san áireamh,
- na gnéithe airgeadais de thionscadail a bhainistiú,
- páirt a ghlacadh i nósanna imeachta roghnúcháin agus i gcaibidlíochtaí féachaint foirgnimh a cheannach nó a thógáil ar cíos,
- pleananna a ullmhú, a cheadú, agus thabhairt bord ar bhord leis an aimsir le ríomhchláir deartha ríomhchuidithe,
- caidreamh le conraitheoirí agus leis na ranna riaracháin náisiúnta i dtaca le ceisteanna a bhaineann leis an réimse gníomhaíochta i gceist,
- measúnuithe riosca a dhéanamh agus réitigh shlándála a bhaineann le réimsí éagsúla a cheapadh,
- comhaid slándála a bhaineann le réimsí éagsúla amhail leictreachas, eirgeanamaíocht, bearta coisctheacha, a chur ar bun agus monatóireacht a dhéanamh orthu,
- tionscnaimh agus pléití idirinstiúideacha a chur ar bun, monatóireacht a dhéanamh orthu, iad a chomhordú agus páirt a ghlacadh iontu,
- comhaid rialacha agus rialachán nó comhaid chomhlíontachta a dhréachtú agus obair leantach a dhéanamh orthu agus aon obair eile a bhaineann leo (tabhairt chun comhlíontachta) a dhéanamh,
- caighdeáin agus sonraíochtaí maidir leis an tslándáil a dhréachtú, iad a athbhreithniú nó páirt a ghlacadh i ngrúpaí oibre maidir leo,
- bheith bord ar bhord le dul chun cinn sa teicneolaíocht.

III. INCHÁILITHEACHT

Ar an dáta deiridh atá leagtha síos don chlárúchán ar líne ní mór duit na coinníollacha ginearálta agus sonracha seo a leanas a chomhlíonadh:

1. Coinníollacha ginearálta

- (a) Bheith i do shaoránach de Bhallstát den Aontas Eorpach.
- (b) Do chearta mar shaoránach a theachtadh.
- (c) Aon oibleagáid dlí atá ort i dtaca le seirbhís mhíleata a bheith comhlíonta agat.
- (d) Na riachtanais charachtair a chomhlíonadh a theastaíonn chun na dualgais i gceist a dhéanamh.

2. Coinníollacha sonracha

2.1.	Cáilíochtaí agus taitheí oibre Oideachas tríú leibhéal agus dioplóma bainte amach ag a dheireadh a bhaineann le dualgais an phoist, agus taitheí oibre trí bliana ar a laghad a fuarthas ina dhiaidh sin agus a bhaineann le dualgais an phoist. NÓ Oideachas dara leibhéal agus dioplóma bainte amach ag a dheireadh a thugann rochtain ar an oideachas tríú leibhéal, agus taitheí oibre sé bliana ar a laghad a fuarthas ina dhiaidh sin agus a bhaineann le dualgais an phoist.
------	--

Ina mhalaire de chás, eagrófar trialacha inniúlachtaí le linn chéim an mheasúnaithe (féach Roinn VI.2).

1. Cuireadh	Tabharfar cuireadh duit na trialacha a dhéanamh má bhailíochtaigh tú d'iarratas in am (féach Roinn VIII). Tabhair do d'aire: 1. Is ionann d'iarratas a bhailíochtú agus a dhearbhu go gcomhlíonann tú coinníollacha ginearálta agus sonracha Roinn III. 2. Chun na trialacha a dhéanamh, ní mór duit dáta a chur in áirithe; tá sé sár-riachtanach sin a dhéanamh roimh an spriocam a chuirfear in iúl duit trí do chuntas EPSO.	
2. Cineál agus marcáil na dtrialacha	Sraith de thrialacha bunaithe ar cheistanna ilroghnacha chun d'inniúlachtaí réasúnaíochta a mheasúnú:	
Triail (a)	Réasúnaíocht bhriathartha	Marcálfar an triail seo as 20 pointe An pasmharc: 10 bpointe
Triail (b)	Réasúnaíocht uimhriúil	Marcálfar an triail seo as 10 bpointe
Triail (c)	Réasúnaíocht theibí	Marcálfar an triail seo as 10 bpointe
		Is é 10 bpointe an pasmharc don dá thriail, d'iomlán (b) agus (c)
3. Teanga na dtrialacha	Teanga 1	

V. CEAD ISTEACH SA CHOMÓRTAS AGUS ROGHNÚ AR BHONN CÁILÍOCHTAÍ

1. An nós imeachta

An scrúdú ar na coinníollacha ginearálta agus sonracha agus an roghnú ar bhonn cáilíochtaí, déanfar iad ar bhonn na ndearbhuithe a rinne tú i d'iarratas.

- (a) Scrúdófar na freagraí a thug tú ar na ceistanna maidir leis na coinníollacha ginearálta agus sonracha féachaint an bhfuil tú ar dhuine de na daoine a chomhlíonann coinníollacha iontrálacha uile an chomórtais.

I gcás ina réamheagrófar trialacha iontrála, déanfar na coinníollacha ginearálta agus sonracha a scrúdú, in ord íslitheach na bpointí a gnóthaíodh sna trialacha iontrála, go dtí go sroichfear an líon iarrthóirí, in aghaidh an réimse, a shocraigh an t-údarás a bhfuil cumhacht ainmniúcháin aige, ar iarrthóir iad:

- a ghnóthaigh na pasmharcanna agus na marcanna is fearr sna trialacha iontrála, agus
- a chomhlíonann coinníollacha iontrála an chomórtais.

Maidir leis an áit dheireanach, i gcás ina ngnóthaíodh roinnt iarrthóirí an marc céanna, cuirfear na hiarrthóirí sin ar fad san áireamh nuair a bheidh an roghnú ar bhonn cáilíochtaí á dhéanamh. Ní scrúdófar doiciméid tacaíochta na n-iarrthóirí a bheidh faoi bhun na tairsí sin.

- (b) Ansin, déanfaidh an bord roghnúcháin, i gcás na n-iarrthóirí a chomhlíonann coinníollacha incháilitheachta an chomórtais, roghnú ar bhonn cáilíochtaí chun na hiarrthóirí ag a bhfuil na cáilíochtaí is ábhartha a shainaithint (go háirithe ó thaobh dioplómaí agus taithí oibre de) i dtaca leis na dualgais agus na critéir roghnúcháin atá leagtha síos san fhógra comórtais seo. Is ar bhonn na ndearbhuithe a rinne tú sa chluaisín “scagthóir buanna” (DE: *Talentfilter*, EN: *talent screener*, FR: *évaluateur de talent*), agus ar an mbonn sin amháin, a dhéanfar an roghnú sin, de réir na scéime marcála seo thíos:

- tabharfar ualú ó 1 go dtí 3 do gach critéar roghnúcháin, de réir na tábhachta a mheasann an bord roghnúcháin a bheith leis,
- scrúdóidh an bord roghnúcháin freagraí na n-iarrthóirí agus tabharfaidh sé marc ó 0 go dtí 4 do gach freagra, de réir cháilíochtaí an iarrthóra. Déanfar na marcanna sin, arna n-iolrú faoi ualú gach ceiste, a shuimiú chun marc foriomlán a fháil.

Ansin, tiomsóidh an bord roghnúcháin liosta de na hiarrthóirí in ord na marcanna foriomlána. An líon iarrthóirí a n-iarrfar orthu na trialacha measúnaithe a dhéanamh ⁽³⁾, beidh sé comhionann, in aghaidh an réimse, le trí oiread ar a mhéad an líon iarrthóirí a n-éireoidh leo sa deireadh. Foilseofar an líon sin ar shuíomh gréasáin EPSO (<http://blogs.ec.europa.eu/eu-careers.info/>).

⁽³⁾ Na hiarrthóirí nach bhfuair cuireadh chun an ionaid mheasúnaithe, gheobhaidh siad torthaí a measúnaithe chomh maith leis an ualú a thug an bord roghnúcháin do gach ceist.

2. Dearbhuithe na n-iarrthóirí a sheiceáil

I ndiaidh thríalacha an ionaid mheasúnaithe agus de réir na dtorthaí a ghnóthaíodh sna trialacha sin, déanfaidh EPSO na dearbhuithe a rinne na hiarrthóirí ina n-iarratas ar líne a sheiceáil i dtaca leis na coinníollacha ginearálta agus déanfaidh an bord roghnúcháin iad a sheiceáil i dtaca leis na coinníollacha sonracha. Maidir leis na cáilíochtaí a mheas, ní chuirfear na doiciméid tacaíochta san áireamh ach amháin chun na freagraí a tugadh cheana sa chluaisín “scagthóir buanna” a dhearbhu. Má thagann sé chun solais sa tseiceáil nach bhfuil na dearbhuithe sin ⁽⁴⁾ ag luí leis na doiciméid tacaíochta ábhartha, dícháileofar an t-iarrthóir sin den chomórtas.

Déanfar an tseiceáil, in ord íslitheach tuillteanais, ar na hiarrthóirí sin a ghnóthaigh na pasmharcanna agus na marcanna foriomlána is fearr i dtrialacha (d), (e), (f) agus (g) den ionad measúnaithe (féach Roinn VI.2). Ina theannta sin, ní mór do na hiarrthóirí an pasmharc a ghnóthú i dtrialacha inniúlachta (a), (b) agus (c). Déanfar an tseiceáil sin go dtí go sroichfear an líon is mó iarrthóirí is féidir a bheith ar an bpainéal, ar iarrthóirí iad a chomhlíonann na coinníollacha incháilitheachta ar fad. Ní scrúdófar doiciméid tacaíochta na n-iarrthóirí a bheidh faoi bhun na tairsí sin.

3. Critéir roghnúcháin

Sa roghnú ar bhonn cáilíochtaí, cuirfidh an bord roghnúcháin an méid seo a leanas san áireamh:

Réimse 1: Innealtóireacht an aerchóirithe

1. Taithí oibre dhá bhliain ar a laghad sa bhreis ar a n-iarrtar i Roinn III.2.1, a bhaineann le ceann de dhualgais an réimse.
2. Taithí oibre bhreise naoi mí ar a laghad a bhaineann le ceann de dhualgais eile an réimse.
3. Taithí oibre sé mhí ar a laghad sa ríomhaireacht ar shain-ríomhchláir a úsáidtear i dtógáil, i bpleanáil nó i gcothabháil foirgneamh.
4. Diplóma breise a bhaineann le ceann de dhualgais an réimse.
5. Oiliúint bhreise, nach í an diplóma atá luaite i bpointe 4 thuas í, a bhaineann le foirgnimh nó le deimhnithe/údaruithe teicniúla atá ábhartha don réimse.
6. Taithí oibre ar ghnéithe airgeadais de thionscadail a bhainistiú agus/nó taithí oibre ar ghlaonna ar thairiscintí (mar dhréachtóir agus/nó measúnóir agus/nó tairgeoir).
7. Taithí oibre ar bhainistiú foirne nó ar chomhordú seirbhísí seachtracha.

Réimse 2: Innealtóireacht leictirimheicniúil agus leictreonach

1. Taithí oibre dhá bhliain ar a laghad sa bhreis ar a n-iarrtar i Roinn III.2.1, a bhaineann le ceann de dhualgais an réimse.
2. Taithí oibre bhreise naoi mí ar a laghad a bhaineann le ceann de dhualgais eile an réimse.
3. Taithí oibre sé mhí ar a laghad sa ríomhaireacht ar shain-ríomhchláir a úsáidtear i dtógáil, i bpleanáil agus i gcothabháil foirgneamh.
4. Diplóma breise a bhaineann le ceann de dhualgais an réimse.
5. Oiliúint bhreise, nach í an diplóma atá luaite i bpointe 4 thuas í, a bhaineann le foirgnimh nó deimhnithe/údaraithe teicniúla atá ábhartha don réimse.
6. Taithí oibre ar ghnéithe airgeadais de thionscadail a bhainistiú agus/nó taithí oibre ar ghlaonna ar thairiscintí (mar dhréachtóir agus/nó measúnóir agus/nó tairgeoir).
7. Taithí oibre ar bhainistiú foirne nó ar chomhordú seirbhísí seachtracha.

⁽⁴⁾ Seiceálfar an fhaisnéis sin, trí scrúdú a dhéanamh ar na doiciméid tacaíochta, sula dtiomsófar na painéil (féach Roinn VII.1 agus Roinn VIII.2).

Réimse 3: Ailtireacht agus feistiú intí

1. Taithí oibre dhá bhliain ar a laghad sa bhreis ar a n-iarrtar i Roinn III.2.1, a bhaineann le ceann de dhualgaís an phoist.
2. Taithí oibre ar thacaíocht a thabhairt dearadh a dhéanamh: bainistiú leictreonach pleananna (dearadh ríomhchuidithe (DRC)) agus léarscáileanna (córas faisnéise geografai).
3. Taithí oibre ar an dearadh intí agus ar an dearadh seachtrach.
4. Taithí oibre naoi mí ar a laghad ar réimse eile (féach Roinn II) a bhaineann le teicnící bainistithe foirgneamh.
5. Oiliúint bhreise nó taithí oibre chomhionann a bhaineann le bainistiú tionscadal.
6. Oiliúint bhreise nó taithí oibre chomhionann a bhaineann le modhanna agus uirlisí anailíse.
7. Taithí oibre ar chomhordú seirbhísí seachtracha.

Réimse 4: Bainistiú tionscadal

1. Taithí oibre dhá bhliain ar a laghad sa bhreis ar a n-iarrtar i Roinn III.2.1, a bhaineann le ceann de dhualgaís an réimse.
2. Taithí oibre sé mhí ar a laghad sa ríomhaireacht ar shain-ríomhchláir a úsáidtear i dtógáil, i bpleanáil agus i gcothabháil foirgneamh.
3. Taithí oibre dhá bhliain ar a laghad ar bhainistiú tionscadal, i gcomhlacht deartha nó i gcomhlacht ailtireachta go háirithe.
4. Taithí oibre naoi mí ar a laghad i réimse eile (féach Roinn II) a bhaineann le teicnící bainistithe foirgneamh.
5. Diplóma breise a bhaineann le ceann de dhualgaís an réimse.
6. Oiliúint bhreise, nach í an diplóma atá luaite i bpointe 5 thuas í, a bhaineann le foirgnimh nó le deimhnithe/údaráithe teicniúla atá ábhartha don réimse.
7. Taithí oibre ar ghnéithe airgeadais de thionscadail a bhainistiú agus/nó taithí oibre ar ghlaonna ar thairiscintí (mar dhréachtóir agus/nó measúnóir agus/nó tairgeoir).
8. Taithí oibre ar bhainistiú foirne nó ar chomhordú seirbhísí seachtracha.
9. Taithí oibre ar chonarthaí a bhainistiú agus ar mhonatóireacht a dhéanamh orthu.

Réimse 5: Sláinte agus Sábháilteacht/Sláintíocht

1. Taithí oibre dhá bhliain ar a laghad sa bhreis ar an n-iarrtar i Roinn III.2.1, a bhaineann le cúrsaí sláinte agus sábháilteachta san ionad oibre.
2. Oiliúint bhreise a bhaineann le slándáil foirgneamh, le cúrsaí sláinte agus sábháilteachta san ionad oibre, leis an tsláintíocht (e.g. oibreoir sláinte agus sábháilteachta ainmnithe, comhordaitheoir/comhairleoir sláinte agus sábháilteachta).
3. Taithí oibre ar chur i bhfeidhm rialacha sonracha maidir le cúrsaí sláinte agus sábháilteachta san ionad oibre.
4. Diplóma agus/nó deimhniú a bhaineann le cúrsaí sláinte agus sábháilteachta san ionad oibre.
5. Taithí oibre naoi mí ar a laghad i réimse eile (féach Roinn II), a bhaineann le teicnící bainistithe foirgneamh.

Réimse 6: Slándáil

1. Taithí oibre dhá bhliain ar a laghad sa bhreis ar a n-iarrtar i Roinn III.2.1, a bhaineann leis an innealtóireacht nó leis an tslándáil.
2. Oiliúint bhreise a bhaineann le slándáil foirgneamh.
3. Taithí oibre a bhaineann le cur i bhfeidhm rialacha sonracha slándála.
4. Diplóma a bhaineann leis an innealtóireacht.
5. Deimhniú slándála.
6. Taithí oibre naoi mí ar a laghad i réimse eile (féach Roinn II), a bhaineann leis an tslándáil agus le teicnící bainistithe foirgneamh.

VI. COMÓRTAS OSCAILTE

1. Cuireadh	Má bhíonn tú ar dhuine de na hiarrthóirí ⁽⁵⁾ — a chomhlíonann coinníollacha iontrála ginearálta agus sonracha Roinn III, de réir na ndearbhuithe a rinneadh sa chlárú ar líne agus — a ghnóthaigh ceann de na marcanna is fearr sa roghnú ar bhonn cáilíochtaí, tabharfar cuireadh duit trialacha an ionaid mheasúnaithe a dhéanamh, trialacha is gnách a bheith ar siúl sa Bhruiséil ⁽⁶⁾ ar feadh lá nó dhó.
2. An measúnaithe t-ionad	Déanfar trí chineál measúnaithe ort agus is é an bord roghnúcháin a dhéanfaidh a mbeidh iontu a fhormheas: — measúnú ar do chuid inniúlachtaí réasúnaíochta (mura mbeidh measúnú déanta orthu cheana sna trialacha iontrála a eagraíodh roimh ré), leis na trialacha seo a leanas: (a) scrúdú réasúnaíochta briathartha (b) scrúdú réasúnaíochta uimhriúla (c) scrúdú réasúnaíochta teibí. — measúnú ar do chuid inniúlachtaí sonracha, leis na trialacha seo a leanas: (d) agallamh struchtúrtha ar inniúlachtaí an réimse i gceist, <i>ar bhonn na bhfreagraí a thug tú i d'iarratas sa chluaisín "scagthóir buanna".</i> — measúnú ar do chuid inniúlachtaí ginearálta ⁽⁷⁾, leis na trialacha seo a leanas: (e) cás-staidéar (f) gníomhaíocht i ngrúpa (g) agallamh struchtúrtha ar na hinniúlachtaí ginearálta.

Scrúdófar gach ceann de na hinniúlachtaí ginearálta mar atá léirithe sa tábla seo thíos:

	Cás-staidéar	Obair bhuíne	Agallamh struchtúrtha
Anailisiú agus réiteach fadhbanna	x	x	
Cumarsáid	x		x
Cáilíocht agus torthaí	x		x
Foghlaim agus forbairt		x	x
Tosaíochtaí a chur in ord tábhachta agus eagrúchán	x	x	
Buanseasmhacht		x	x
Obair bhuíne		x	x
3. Teanga an ionaid mheasúnaithe	Teanga 1 i gcás thrialacha (a), (b) agus (c) Teanga 2 i gcás thrialacha (d), (e), (f) agus (g)		

⁽⁵⁾ Maidir leis an áit dheireanach, i gcás ina ngnóthóidh roinnt iarrthóirí an marc céanna, tabharfar cuireadh chun an ionaid mheasúnaithe dóibh go léir.

⁽⁶⁾ Ar chúiseanna eagrúcháin, d'fhéadfadh na trialacha réasúnaíochta a bheith ar siúl in ionaid scrúdúcháin sna Ballstáit, is cuma cá mbeidh trialacha eile an ionaid mheasúnaithe ar siúl.

⁽⁷⁾ Tá cur síos ar na hinniúlachtaí seo i bpointe 1.2 de na Treoracha do chomórtais oscailte.

4. Marcáil agus ualú	Inniúlachtaí réasúnaíochta (a) Inniúlachtaí briathartha: marcálfar an triail seo as 20 pointe An pasmharc: 10 bpointe (b) Inniúlachtaí uimhriúla: marcálfar an triail seo as 10 bpointe (c) Inniúlachtaí teibí: marcálfar an triail seo as 10 bpointe An pasmharc d'iomlán thrialacha (b) agus (c): 10 bpointe Trialacha díbeartha is ea trialacha (a), (b) agus (c) ach ní chuirfear marcanna na dtrialacha sin le marcanna eile an ionaid mheasúnaithe. Inniúlachtaí sonracha (trial (d)) Marcálfar an triail seo as 100 pointe An pasmharc: 50 pointe Ualú: 55 % den mharc foriomlán Inniúlachtaí ginearálta (trialacha (e), (f), (g)) Marcálfar gach ceann de na trialacha inniúlachtaí ginearálta as 10 bpointe An pasmharc: 3 phointe do gach inniúlacht agus 35 phointe as 70 d'iomlán na 7 n-inniúlacht ghinearálta Ualú: 45 % den mharc foriomlán
----------------------	---

VII. PAINÉIL

1. Iarrthóirí a chur ar phainéal	Cuirfidh an bord roghnúcháin d'ainm ar phainéal — má tá tú ar dhuine de na hiarrthóirí ⁽⁸⁾ a ghnóthaigh na pasmharcanna d'iomlán thrialacha (a) go (g) agus ceann de na marcanna foriomlána is fearr d'iomlán thrialacha (d), (e), (f) agus (g) den ionad measúnaithe (féach líon na n-iarrthóirí a n-éireoidh leo, Roinn I.1) — agus más léir, i bhfianaise na ndoiciméad tacaíochta, go gcomhlíonann tú na coinníollacha incháilitheachta ar fad.
2. Rangú	Tiomsófar an painéal in ord aibítire.

VIII. CONAS IARRATAS A CHUR ISTEAICH

1. Clárú ar líne	Ní mór duit clárú ar líne sa tslí a léirítear ar shuíomh gréasáin EPSO, agus sa Treoirleabhar maidir le clárúchán go háirithe. Spriocdháta (an bailíochtú san áireamh): 1 Aibreán 2014 ar 12 a chlog (meán lae), am na Bruiséile
2. Comhad iarratais	Má bhíonn tú ar dhuine de na hiarrthóirí a dtabharfar cuireadh chun an ionaid mheasúnaithe dóibh, beidh ort an comhad iomlán a bhaineann le d'iarratas a thabhairt leat ⁽⁹⁾ (an fhoirm iarratais ar líne agus í sínithe, na doiciméid tacaíochta san áireamh) chun na dtrialacha measúnaithe. Sonraí praiticiúla: féach pointe 6.1 de na Treoracha do chomórtais oscailte.

⁽⁸⁾ Maidir leis an áit dheireanach, i gcás ina ngnóthóidh roinnt iarrthóirí an marc céanna, cuirfear ainmneacha na n-iarrthóirí sin ar fad ar an bpainéal.

⁽⁹⁾ Déanfar dáta do choinne san ionad measúnaithe a chur in iúl duit in am agus i dtráth trí do chuntas EPSO.